

Til aktuelle organisasjonar i Helse Førde sitt opptaksområde

FFO - vibecke.magnus@ffo.no;

SAFO - gry.setre@gmail.com;

Pensjonistforbundet - nils.gjerland@outlook.com;

Kreftforeningen - geir.vangsnes@kreftforeningen.no;

Rusettervernet - post@rusettervernet.no;

KS - Frode.Kyrkjebo@ks.no;

Vestland fylkeskommune - post@vlfk.no

Dato: 25.03.2020

Oppnemning av kandidatar til ny periode i felles Brukarutval mellom Helse Førde og kommunane i helseføretaket sitt opptaksområde

Det er tid for nytt val av medlemar og varamedlemar til felles brukarutval (FBU). Ny periode gjeld frå 1.januar 2021– 31.desember 2022.

Med utgangspunkt i retningslinjene ber vi no om at dykkar organisasjon gjer vel og melder inn aktuelle kandidatar for brukarrepresentasjon **så snart som mogeleg, og seinast innan 15.august 2020**. Vi gjer merksam på at organisasjonane må føreslå fleire kandidatar enn ein kan rekne med å få inn i utvalet.

Retningslinjer for felles brukarutval i helseføretaket sitt opptaksområde, vart fastsett av Koordineringsrådet i Sak 49/17 16. november 2017. Desse fastslær at brukarutvalet skal ha 10 medlemar som vert oppnemnde for 2 år om gongen. Fordelinga av representantar ser slik ut:

Organisasjon	Tal representantar
FFO	4
SAFO	2

Pensjonistforbundet S og Fj	1
Kreftforeningen	1
TSB (eller anna relevant foreining)	1
Brukarrepresentant kommune/fylke	1

I tillegg til møterepresentantane møter ein fast representant frå Helse Førde og ein fast representant frå KS/kommunane. Desse vert og oppnemnde for 2 år.

Når det gjeld brukarrepresentanten frå kommunar/fylke skal KS syte for framlegg til 1 person som er brukarrepresentant frå kommunalt råd for eldre/menneske med nedsett funksjonsevne. Det er leiar for dei regionale fagnettverka for helse og omsorg som kjem med framlegg til representanten. Her rullerer representasjonen mellom dei fire regionane i denne rekkjefølgja: Nordfjord, HAFS, Sogn og Sunnfjord. Tilsvarande råd på fylkeskommunalt nivå kjem med framlegg om ein representant. Ein av kandidatane frå kommune/fylke er medlem i Brukarutvalet, medan den andre er vara. Dette skal veksle mellom dei nemnde råda i annakvar periode.

I inneverande periode har Magnus Strand vore representant frå **Fylkesrådet for menneske med nedsett funksjonsevne**, medan Aud Karin Netland frå **Fylkesrådet for eldre** har vore vara. Netland kjem frå Nordfjord – og Strand kjem frå Sunnfjord. I samsvar med retningslinjene vert det då **Sogn og HAFS-regionen som skal ha representasjonen i komande utvalsperiode**, og vi oppmodar kommunane og fylkesnivået til å ta omsyn til dette.

Vidare i retningslinjene heiter det, «Når eit nytt brukarutval skal oppnemnast, må ein ta omsyn til både kontinuitet og fornying. Medlemmer i brukarutvalet skal sjølve ha erfaring som pasient og/eller pårørande og ha tilknytning til opptaksområdet til føretaket.»

Det vert elles synt til at «Organisasjonane som foreslår kandidatar, skal oppmodast om å sende informasjon om relevant formal- og realkompetanse.

Bakgrunnssjekk gjennom innsend informasjon og eventuelt intervju dannar grunnlaget for utveljinga.»

Organisasjonane sine framlegg til brukararepresentantar vert sidan systematisert i vidare prosess utover hausten. I samsvar med retningslinjene skal Koordineringsrådet formelt gjere val av nye medlemar – og dette er planlagd gjennomført i rådet sitt møte 3.desember 2020. Til sist vert dette vedtaket lagt fram for helseføretaksstyret til orientering.

For at intervju- og utveljingsprosessen fram til endeleg vedtak skal bli så god som mogeleg, ber vi dykk merke dykk **frist for tilbakemelding på at aktuelle kandidatar må vere oss i hende innan 15.august 2020.**

Aktuelle spørsmål kan stilast direkte til sekretariatet på mail; randi.berit.solheim@helse-forde.no eller på mobiltelefon 415 30 430.

Med helsing

Randi Holsen Solheim
rådgjevar og sekretær for FBU

Som vedlegg fylgjer gjeldande retningslinjer for Felles brukarutval mellom Helse Førde og kommunane i helseføretaket sitt opptaksområde.